

Fond "Bošnjaci" Sarajevo, ul. Džemala Bijedića br. 17

Konkursna komisija literealnog natječaja koji je raspisao Fond "Bošnjaci" za 2012. godinu daje:

O B R A Z L O Ž E N J E

rezultata Natječaja na teme "Postojimo ako pravimo korake jedni prema drugima" i "Bosanskim rijekama ne teče samo voda" na kojem su pravo učešća imali učenici srednjih škola i studenti iz Bosne i Hercegovine i inozemstva.

Na raspisani Natječaj, u predviđenom roku (15. avgust 2012. godine do 15:00 sati) pristiglo je devedeset (90) radova koji su zadovoljavali uvjete: 7 kartica teksta (1 kartica = 1.800 karaktera).

Komisija u sastavu: Selim Jarkoč, profesor (član), Nezim Halilović, profesor (član) i Mirzet Hamzić, profesor (predsjednik) nepodjeljenog je mišljenja da je Natječaj opravdao svrhu i pristigli radovi su pokazali da, u uzrastu koji je obuhvatao Natječaj, imamo nadarene mlade ljude s punom sviješću o vremenu i prostoru u kojem živimo i okolnostima koje su pratile našu historiju. Ili kako je u obrazloženju radova primjetio jedan od članova komisije: "imamo omladinu koja ne zaboravlja prošlost, ali u isto vrijeme smjelo korača u budućnost." Hvala Svemogućem da je tako.

Činjenica koja raduje zbog umjetničkog nivoa radova, iskazane ozbiljnosti i ukupnog pristupa ponuđenim temama dovela u delikatnu poziciju članove komisije za Natječaj. Od pristiglih devedeset radova ne bi se postidjeli da je bilo koji od dvadesetak najbolje rangiranih ponio epitet najbolje ocjenjenog. Bez straha da griješimo možemo konstatavati da su nijanse odlučile i da je pažljivo iščitavanje i iskrena želja da se izdvoje radovi uspjeti u što većem broju momenata koje postavlja književni tekst dovelo do sljedećeg rasporeda nagrađenih radova:

Treće mjesto zauzeo je rad pod šifrom: 174/17/2012.

Rad je donio najdublju emociju i ne vjerujemo da će, bez obzira koliko su strašna dešavanja učinila otvrdlim naša srca, ijednog čitaoca ostaviti ravnodušnim. Kazan iz perspektive dječaka: "Ja Emrah Mustafić, sin rahmetli Memhmeda i rahmetli Esmee te jedini živi potomak nane Nure Mustafić..." koji živi ili kako kaže "lebdi" između neba gdje je pravda i zemlje gdje su zločinci, zajedno sa nanom traga za posmrtnim ostacima pobijene rodbine i željom da dođe do sredstava s kojima bi podigao nišane roditeljima. Ta sredstva donijet će mu nagrada na literalnom natječaju.

Kazano posve otvoreno, bez gušenja emocije, ali hrabro sa iskazanom spremnošću da se živi i kroz život bori.

Drugonagrađeni rad dostavljen je pod šifrom: 174/60/2012.

Riječ je o tekstu složenije strukture koji razmjere stradanja Bošnjaka nad Drinom čini očiglednim do dokumentarnosti a opstaje **onaj koji se bori**. Dječak koji hladnim brzacima Rijeke, iako ranjen, dolazi do slobode ali ne i potpunog smiraja. Smiraj i nadu donijet će glas sestre za koju se nada da je izbjegla kami zločinaca.

Kazano otvoreno, bez zaostatka ali ispresjecano laganim rečenicama punim blage emocije, govore da je riječ o autoru koji budi nadu da će teško bošnjačko stradanje, i u budućnosti, dobiti dostojan umjetnički odgovor.

Prvonagrađeni rad dostavljen pod šifrom: 174/23/2012 zahtjeva više čitanja. Svako novo čitanje potvrdit će da je riječ o autoru koji vlada složenijim književnim formama i donosit će kako nova čitalačka zadovoljstva tako i saznanja o vještini književnog postupka.

Sastavljen iz fragmenta iz različitih vremena i sa različitih geografskih širina, poniranjem u bošnjačku književnu tradiciju (*Uspavanka* Maka Dizdara korištena je kao opominjuća podloga jer je riječ o pjesmi koja nas treba opomenuti i probuditi a ne uspavati), tekst je susret sa strahotama rata i neprestanom stradanju ali, isto tako, i tekst o rađanju i novom životu nad kojim će neko bdjeti i boriti se.

Tekst je koji pokazuje da čovjek jeste izložen napadima i zlu ali da nije bespomoćan. Ili kako je primjetio Ernest Hemingvej: Čovjek možemo uništiti ali ne pobjediti.

U nadi da bosanska djeca koja dolaze neće razmišljati kako da dođu do sredstava za nišane svojih roditelja uz zahvalnost svima koji su se odazvali na raspisani Natječaj, članovi komisije se zahvaljuju Fondu "Bošnjaci" na ukazanom povjerenju uz molbe Svemogućem da ovaj napor upiše u dobra djela.

Sarajevo, 28. 8. 2012.

Komisija:

Selim Jarkoč (član)

Nezim Halilović (član)

Mirzet Hamzić (predsjednik)